

RESOLUCIÓN DA CONSELLERÍA DO MAR PARA APROBAR O PLAN DE XESTIÓN DE MARISQUEO DE NOVA INCORPORACIÓN PARA A CONSERVACIÓN E EXPLOTACIÓN DE OURIZO DURANTE 2023 E 2024 NA MODALIDADE A PÉ, PRESENTADO POLA CONFRARÍA DE PESCADORES DE MUXÍA (PE410A 2022/1-1)

ANTECEDENTES

1. O 29.09.2022, a Confraría de pescadores de Muxía presentou unha solicitude para a aprobación dun plan de xestión de recursos específicos de nova incorporación para a conservación e explotación de equinodermos na modalidade de a pé (PE410A 2022/1-1, númer. rexistro entrada 2020/2396635).
2. O 15.11.2022, a bióloga da Xefatura Territorial da Consellería do Mar na Coruña emitiu un informe técnico biolóxico o plan de xestión presentado.
3. O 23.11.2022, o axente de extensión pesqueira emitiu un informe sobre os aspectos organizativos do plan de xestión.
4. O 12.12.2022 a Xefatura Territorial da Consellería do Mar da Coruña trasladou á entidade emitiu unha proposta favorable coas condicións de aprobación, para que formulase as alegacións que considerase oportunas. A proposta da xefatura territorial tamén foi elevada á Dirección Xeral de Desenvolvemento Pesqueiro.
5. O 23.02.2023, a Confraría de pescadores de Muxía remite certificado de ratificación de aprobación do plan pola nova Xeral da confraría.
6. O 08.02.2023 a Dirección Xeral de Desenvolvemento Pesqueiro emite unha proposta de aprobación do plan de xestión de marisqueo de nova incorporación para a conservación e explotación de ourizo durante 2023 e 2024 na modalidade a pé, presentado pola confraría de pescadores de Muxía (PE410A 2022/1-1)



CONSIDERACIÓN LEGAL

1. A Lei 11/2008 de Pesca de Galicia (DOG núm. 243, do 16.12.2008), establece que a política da Administración autonómica terá entre outros obxectivos, en relación coa conservación e a xestión dos recursos pesqueiros e marisqueiros, o establecemento e a regulación de medidas dirixidas á conservación, á xestión e á explotación responsable, racional e sustentable dos recursos mariños vivos. Entre as medidas de conservación e xestión que recolle a dita lei figura a adopción, logo de audiencia do sector afectado, de plans de xestión definidos como medidas reguladores da actividade pesqueira e marisqueira.
2. O artigo 3 do Decreto 153/2019, do 21 de novembro, polo que se regula o réxime de conservación e explotación dos recursos marisqueiros e das algas (DOG núm. 233, do 09.12.2019), define os plans de xestión de nova incorporación como plans para recursos, ámbitos zonais ou útiles, equipos e técnicas de marisqueo regulamentarios, diferentes aos plans plurianuais de xestión aprobados.

O artigo 19 do mencionado decreto regula a presentación dos plans de xestión de nova incorporación e establece que os mesmos permitirán determinar a viabilidade da explotación antes da súa aprobación como plan de xestión trianual e incorporación ao Plan xeral de explotación marisqueira ou, se é o caso, na orde que aprobe os plans de xestión trianuais de recursos específicos.

3. O artigo 160º do Decreto 15/2011 do 28 de xaneiro, polo que se regulan as artes, aparellos, útiles, equipamentos e técnicas permitidos para a extracción profesional dos recursos mariños vivos en augas de competencia da Comunidade Autónoma de Galicia (DOG Núm. 31, do 15.02.2011) establece as modalidades de extracción, o horario de traballo e outros condicionantes para a extracción de ourizo de mar.
4. A bióloga da Xefatura Territorial da Coruña informou estar conforme co plan condicionado a que a talla mínima de extracción sexa de 60 mm.
5. O informe da axente de extensión expresa a súa conformidade co plan sempre que se obteña a conformidade das confrarías de Camariñas e Camelle.
6. A proposta da Xefatura Territorial da Coruña é favorable ao plan aínda que coa salvedade de que deberían presentar a ratificación do plan por parte da nova Xunta Xeral e informe favorable das confrarías de pescadores de Camariñas e Camelle.
7. A Dirección Xeral de Desenvolvemento Pesqueiro realiza proposta de resolución de aprobación do plan presentado con base na mencionada proposta.

Así pois, de acordo con todo o anterior, **RESOLVO:**

APROBAR o Plan de xestión de marisqueo de nova incorporación para a conservación e explotación de EQUINODERMOS na modalidade de a pé presentado pola confraría de pescadores de Muxía con vixencia dende a publicación desta resolución ata o 31 de decembro de 2024.

O plan desenvolverase conforme ao documento presentado pola confraría e as condicións establecidas a continuación:

1. Ámbito do plan

O ámbito do plan correspón dese coa franxa intermareal dende O Herboso ata desembocadura do río Lago, dividíndose nas seguintes zonas e subzonas de explotación autorizadas:

- ZONA 1: desembocadura do río Lago ata punta da Barca (Insua da Cetaria e O Carreiro).
- ZONA 2: punta da Barca a punta da Buitra (As Bousieiras e Langosteira).
- ZONA 3: punta da Buitra a punta Buxeirados (Cuño).
- ZONA 4: punta Buxeirados ata O Herboso (Herboso).

A zona de traballo deste plan está limitado cara o mar pola liña que une os puntos da cota mareal cero, correspondente coa liña da baixamar máxima escorada.

O tramo que vai dende O Herboso ata a punta da Vela exclúese xa que non hai bancos intermareais de ourizo avaliados e delimitados ao sur do Herboso e conforme ao apartado 4.1 da Circular MA-01-2021, a avaliación do recurso deberá ser representativa do ámbito que se pretende explotar, e no caso contrario, o ámbito do plan adaptarase ás zonas nas que existe unha avaliación do recurso que xustifique que poden ser explotadas.

Non establecen un plan de rotación de zonas, tan só indican que se organizará en función do estado do recurso e da meteoroloxía. Acéptase a estratexia de rotar de banco cando a porcentaxe de individuos de talla non comercial supere o 5% da captura en dous contros de tallas consecutivos rotaran de banco para a consecución do obxectivo biolóxico proposto.

2. Obxectivos do plan, indicadores e estratexias de actuación para acadar unha xestión sustentable

O plan desenvolverase atendendo aos obxectivos, indicadores e estratexias de actuación resumidos no anexo I.

Con respecto ao obxectivo socioeconómico deberán establecer unha estratexia que permita acadar o dito obxectivo.



3. Participantes

Apróbase o plan para un número máximo de 10 participantes.

Trátase dun plan complementario para as persoas percebeiras a pé que participan no plan de xestión de percebe na modalidade de a pé da confraría de Muxía.

Acéptase reservar o 10 % das prazas solicitadas (1 praza) para xente moza ou en risco de exclusión social que podan estar interesadas co fin de promover a súa incorporación ao sector.

O outorgamento dos permisos realizarase de conformidade coa Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para obter o permiso de explotación a pé para recursos específicos.

Acéptanse como prescripcións específicas para renovar o permiso de explotación, o cumprimento coas cotas específicas para a vixilancia do plan e coas obrigas económicas para o mantemento do plan de xestión. Para acreditar o cumprimento das prescripcións específicas, os integrantes do plan terán que presentar con cada solicitude de renovación, un certificado da confraría, de acordo co disposto no artigo 18.4 a) da Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia.

4. Plan de extracción e medidas de conservación

a) Especie obxectivo e cotas de captura por persoa mariscadora e día

- A especie obxectivo é o ourizo de mar *Paracentrotus lividus* (Lamarck, 1816)
- Establécese, de acordo coa recomendación técnica, un tamaño mínimo de captura de 60 mm, superior á talla mínima legal, co obxecto de unificar os criterios de xestión desta especie cos de aqueloutros plans xa aprobados nesta mesma zona administrativa. Por outra parte, este tamaño enmarcase na estratexia establecida para acadar o obxectivo biolóxico proposto no plan.
- Establécese unha cota máxima en 20 kg/mariscador e día, que se poderá incrementar a 25 kg/mariscador e día durante 7 xornadas no mes de Nadal.
- Non se acepta a merma solicitada dun 5 % dende o punto de control ata a lonxa de venda, mentres non se presente un estudo técnico que xustifique a medida e sexa informado favorablemente polo persoal técnico da consellería.

b) Horario: Dende dúas horas e media antes ata dúas horas e media despois da baixamar diúrna, tendo como tope as 18.00 horas, de acordo co establecido no Decreto 15/2011.



c) Artes / técnicas a emplegar: Para a extracción de ourizo de mar empregarase o bicheiro e a forquita para ourizo.

d) Calendario anual previsto de extracción: De xaneiro a marzo (ambos incluídos) e decembro. Establécese unha veda de abril a novembro (ambos incluídos).

Acéptase a posibilidade de realizar a actividade extractiva os sábados e os festivos de semana santa e decembro. No caso de actividade en días non laborais (festivos autonómicos, nacionais ou sábados) por supostos extraordinarios, poderán autorizarse, sempre que o punto de venda se atope operativo, e deberán xustificar as circunstancias concretas ante a xefatura territorial.

e) Número probable de días de extracción 25 días.

Trátase dun plan complementario para as persoas percebeiras a pé que participan no plan de xestión de percebe desta confraría co obxecto de reducir o esforzo sobre os bancos marisqueiros de percebe, polo que deberán prestar especial atención en seleccionar axeitadamente os días de actividade, xa que non se poderá realizar na mesma xornada dun xeito simultáneo a actividade extractiva nos dous plans de xestión, polo que deberán comunicar á xefatura territorial antes 10.00 h, o colectivo de persoas que participarán na xornada de traballo.

f) Puntos de control: O control realizarase nos seguintes puntos, de acordo coa localización definida no plan:

- Subzona 1: Cetaria e O Carreiro.
- Subzona 2: Bousieiras e Langosteira.
- Subzona 3: Cuño.
- Subzona 4: O Herboso.
- Lonxa de Muxía, só operativo en supostos extraordinarios nos que non sexa posible realizar o control nas zonas de produción.

Os mariscadores cubrirán, cada día de traballo, un estadillo onde rexistren a zona e tempo de traballo. Isto completará a información do punto de control (nunca o substituirá) co fin de levar un mellor seguimento da explotación. Nos puntos de control deben controlar as cotas e os tamaños de captura. O ourizo, unha vez que pase polo punto de control, trala entrega ao mariscador do ticket nominativo correspondente, deberá ser trasladado ata a lonxa de xeito conxunto, onde se emitirá o documento que ampare o transporte no caso de ser trasladado a outra lonxa para a súa venda.

Coas solicitudes de apertura, deberán indicar os puntos de control operativos e os horarios do seu funcionamento, así como o persoal responsable. No caso de observar un funcionamento deficiente, poderase limitar a explotación ou incluso suspendela.



O horario dos puntos de control nas zonas de producción nas xornadas de traballo será de 2,5 h antes a 2,5 h despois da baixamar diurna, mentres que o control en lonxa para os casos extraordinarios será ata 45 min. despois da primeira baixamar diúrna.

5. Accións de conservación, mantemento, recuperación ou mellora dos hábitats e zonas de producción:

De acordo co obxectivo ecolóxico de, cubriranse estadillos nos que se indicará a presenza/ausencia de lixo mariño. No caso da presenza de lixo mariño, organizaranse xornadas de limpeza nas que participaran os integrantes do plan.

O plan recolle a realización de traslados e sementeiras de ourizo cando exista un mellor coñecemento das zonas. A participación nestes traballos non será obrigatoria. Para a realización destas accións deberá ser solicitada autorización a Xefatura Territorial da Coruña que o órgano competente para resolver, e realizaranse baixo a coordinación e supervisión dos técnicos da consellería.

6. Accións de coidado, control, seguimento protección e vixilancia dos bancos marisqueiros:

Ademais das actuacións realizadas polos gardapescas, prevense accións de protección e de vixilancia informativa realizadas polos propios mariscadores. Unha vez seleccionadas as persoas participantes no plan, definiranse os grupos e persoas integrantes de cada un deles, horarios e zonas en colaboración cos gardapescas ou asistencia técnica. Os grupos funcionarán de xeito rotatorio e ao fronte de cada grupo existirá un xefe de equipo responsable de xustificar a presencia/ausencia das persoas integrantes mediante a entrega dun ticket nominativo. Estes traballos serán obrigatorios e computarán para a renovación dos permisos de explotación. Os participantes que participen no control serán compensados mediante a recollida do seu tope polo resto de participantes no plan. As vixilancias serán realizadas nos bancos do plan entre decembro e marzo (ambos incluídos).

7. Accións formativas para unha mellor xestión e conservación dos recursos

Ao inicio do plan realizaran unha charla dirixida aos participantes na que se lle informará e formará sobre a organización do traballo, a rotación de zonas, a talla mínima, a forma de extracción do recurso, a presencia e recollida do lixo mariño, a cobertura de estadillos, as vixiancias informativas e os métodos de control, as actividades de turismo mariño mariñeiro e a importación do cumprimento das normas.

8. Plan de comercialización

Lonxa e/ou centro de venda: Lonxa de Muxía e demais puntos de venda autorizados.



9. Desenvolvemento do plan de xestión

A xefatura territorial da Consellería do Mar en A Coruña autorizará o desenvolvemento das actividades de marisqueo dos plans de xestión, logo de petición da entidade representante do plan, e polo tempo establecido nas resolucións de autorización, conforme ao artigo 20 Decreto 153/2019, do 21 de novembro.

No caso de que non se leve a cabo un seguimento da extracción ou que os resultados non sexan adecuados, a Xefatura Territorial poderá axustar as medidas aprobadas para unha explotación sostible do recurso durante o desenvolvemento do plan de xestión.

10. Control e seguimento

Para mellorar a xestión dos bancos e evitar situacións de sobrepesca é necesario realizar un control do esforzo pesqueiro, das capturas e das tallas. Unha vez iniciada a actividade extractiva e coincidindo con cada solicitude de apertura do plan de xestión, terán actualizados os datos da explotación na ferramenta para o seguimento dos plans habilitada pola consellería (AT2 novo formato actualizado). En caso contrario, os datos da explotación deberán ser remitidos regularmente á xefatura territorial correspondente, de xeito que coa solicitude de apertura os técnicos teñan a súa disposición os datos das anteriores aperturas.

Contra esta resolución, que esgota a vía administrativa, poderá interpoñerse, ante a conselleira do Mar, recurso potestativo de reposición no prazo dun mes contado dende o día seguinte ao da súa notificación ou recurso contencioso-administrativo ante a sala do contencioso-administrativo do Tribunal Superior de Xustiza, no prazo de dous meses contados a partir do día siguiente ao da súa notificación, segundo o establecido nos artigos 123 e 124 da Lei 39/2015, do 1 de outubro, de Procedemento Administrativo Común das Administracións Públicas (BOE núm. 236, do 02/10/2015). En todo caso, non se poderá interpoñer recurso contencioso-administrativo ata que sexa resolto expresamente ou se produza a desestimación presunta do recurso potestativo de reposición.

Esta resolución notifícase á confraría de Muxía consonte ó artigo 40 da Lei 39/2015 do 1 de outubro.

A conselleira do Mar

Rosa M^a Quintana Carballo

(Síntoma electrónica)



ANEXO I

Obxectivos biolóxicos:

Especies	Obxectivo Xeral	Obxectivo operacional	Indicador	Variable	Unidades	Valor actual	Valor 2023	Valor 2024	Nivel referencia
Ourizo <i>(Paracentrotus lividus)</i>	Incrementar/manter a calidade das capturas	Reducir/manter a presenza de exemplares non comerciais nas capturas	% de exemplares non comerciais nas capturas	% individuos non comerciais	%	-	5	5	-

Estratexias a adoptar para acadar os obxectivos

Formación ao colectivo sobre boas prácticas de extracción.

Realización de controis de talla das capturas cunha frecuencia mínima semanal.

Cando nun control de tallas o resultado de individuos non comerciais supere o 5 % avisarase ao sector para mellorar a selectividade das capturas. No segundo control con resultados de porcentaxe de individuos de talla non comercial por riba do 5 % rotarase de banco. Cando nun control de tallas o resultado de individuos non comerciais supere o 5 % avisarase ao sector para mellorar a selectividade das capturas. No segundo control con resultados de porcentaxe de individuos de talla non comercial por riba do 5 % rotarase de banco.





Obxectivos ecolóxicos:

Bancos	Obxectivo Xeral	Obxectivo operacional	Indicador	Variable	Unidades	Valor actual	Valor 2023	Valor 2024	Nivel referencia
Todo o ámbito do plan	Controlar a presenza de lixo mariño	Seguir a evolución da presenza de lixo mariño	Presenza de lixo mariño	% bancos nos que se detecta lixo mariño	%	-			-

Estratexias a adoptar para acadar os obxectivos

O sector deberá cubrir estadios onde se fará constar a presenza/ausencia de lixo mariño nos bancos nos que estean a traballar. No caso de detectarse lixo mariño organizarse unha xornada de retirada. Ao tratarse dun plan de xestión de nova incorporación carecen de datos. Logo do primeiro período de seguimento, compre establecer un nivel de referencia e valores a acadar cada ano axustados á realidade na zona.

Obxectivos socioeconómicos:

Obxectivo Xeral	Obxectivo operacional	Indicador	Variable	Unidades	Valor 2023	Valor 2024	Nivel de referencia
Incrementar/Manter a asistencia á extracción	Incrementar/manter a proporción entre asistentes diarios e autorizados	Proporción entre asistentes diarios e autorizados	% de persoas asistentes	-	100	100	0

Estratexias a adoptar para acadar os obxectivos

Solicitarase a apertura do plan para aquelas días con mellor cota de baixamar, favorecendo o acceso á franxa máis baixa do intermareal, onde se atopan os exemplares de maior tamaño. Isto implicará acadar mellores prezos, o que levaría á participación estable dos integrantes do plan na extracción.

